

SIGGO REX SVETIAE.



Siggo ex familia Magog prognatus, post Vbbo
nis fatum in regnum Gothorum & Sueonū suc
cessit, Anno mūdi creaitonis bis millesimo. Hic lo
co opportuno ex suo nomine Sigtunum oppidum
prope lacum Meler erigēdum curauit, ut esset ido
neum præsidium quo Barbari, Estiones, aut Finno
nes, siue alię Orientales gentes à vastādo agro Ger
manico arcerentur. Siggo ille subiectos sibi popu
los pacis & belli tempore per sexagintaquinque &
amplius annos optimè administrauit, & ijs uerū u
sum armorum & legum ostendit. Tandem uerò lō
go senio apud Vbsalensem Metropolim decessit,
& omnibus magnum sui desiderium reliquit, circa

annum diluuij quadringentesimum duodecimum.